

蒲

室

集

七

中天竺禪寺語錄

門人

中孚

等編

泰定二年十月十七日入寺指

山門云一彈指頃開樓閣門黃河九曲水出崑崙
佛殿二千年前你有伎倆我無伎倆二千年後我有
伎倆你無伎倆何故入水見長人

據室橫案主丈顧視左右云有麼有麼卓一下云無
人過價打與三百

拈院疏云箇是大丞相親受靈山記別處句子付在
山僧未聞者聞未見者見

語錄

指法座云聖斷報化佛頭不落玄妙階級實八布衫
雲門念七陞座拈香祝

聖問荅罷乃云夫為宗師者提持細要接物利生豈
是細事況茲山千歲名藍五天化境大丞相彌令明
肅出於至公山僧既已回避無門諸人各要知時識
節拈主文云即心即佛非心非佛不是心不是佛不
是物三千年黃河清五百載聖人出

復舉僧問

投子諸佛出世為一大事因緣和尚出世當為何事
投子云尹司空為老僧開堂師云投子老人可謂應
機施設不犯鋒鋌中峯不免因齋慶贊一髮由來引

萬鈞全肩荷負見當人通身手眼重拈撥枯木華開
大地春

當晚小叅凡夫色礙二乘空碍菩薩色空無礙拈主
丈云主丈子列列挈挈不入衆數有時十字街頭橫
挑布袋有時白雲影裏打雨敲風法隨法行法幢隨
處建立有佛處不得住無佛處急走過三千里外一
句全提畢竟如何話會卓主丈云一六三四二直言
曲七一桃李火中開黃昏候日出 復舉南泉初
入院大衆送歸方丈僧問端居丈室將何指示於人
泉云昨夜三更失却牛天明起來失却火師云大小

語錄

十一

南泉和泥合水中峯則不然忽有問端居丈室將何
指示於人即向它道主丈子今日開封

聖節上堂化工密運納羣生於覆燾之中端拱無為
躋四海於仁壽之域如華藏海融攝三千世界似帝
網珠交羅百億山河正與麼時如何是不涉誕生底
句一氣不言含有象萬靈何處謝無私

請頭首上堂騰今耀古摩醯正眼洞明鍛聖鎔凡向
上鉗鋸妙密定佛祖細宗之句須是其人展主賓互
撲之機要求作者所以道作大厦非一木能成涉巨
川豈一棹可濟直得照用同時星飛電捲入境俱奪

玉振金聲正與麼時諸人鼻孔在山僧手裏且道山僧鼻孔在什麼處擲拂子云一任橫拖倒拽

元旦上堂元正啓祚萬物咸新海宇歡呼人天交慶直得石女倒騎錢馬踏破虛空木人鞭動泥牛耕翻碧落阿呵呵會也麼有意氣時添意氣不風流處也風流

上堂靈雲桃花光輝閃爍趙州栢樹築著磕著大用現前予人人握靈蛇之珠全機獨露予箇箇抱荆山之璞莫莫抹過前三與後三不是石橋是略約

佛涅槃上堂身口意清淨是名佛出世身口意不淨

語錄

十二

是名佛滅度拈主文云且道即今釋迦老子是出世耶是滅度耶卓主文云同生不同死有我何用你金擲示雙趺放倒又扶起

結夏小叅與麼與麼頭上安頭不與麼不與麼斬頭覓活德山小叅不荅話先行不到趙州小叅要荅話未後太過山僧尋常只管九十日為一夏熱則取涼飢來喫飯有時白雲高卧聽月下之疎鐘有時村市邏齋振雲中之金錫不作佛法商量亦非世諦流布阿呵呵頭上一堆塵腳下三尺土齧齧齧且過時莽莽鹵鹵河沙數復舉百丈再叅馬祖祖以目

視禪床角拂子丈云即此用離此用祖云你它後開
两片皮將何為人丈取拂子豎起祖云即此用離此
用丈挂拂子於舊處祖便喝百丈直得三日耳聾師
云以機奪機以的破的百丈親遭三日聾黃蘗後來
驚吐舌迤平劍合子寧窺牛斗之光芒陶鑿梭飛子
不戀風雲之舊迹堪笑禪流眼似眉座中誰是仙陀
客

上堂選佛場開牛欄馬廐心空及第活陷泥犁畢竟
如何仰面不見天低頭不見地月明幽室寒星不拱
辰異

語錄

十一

張

謝秉拂上堂正印全提聖凡路絕箭鋒相拄照用同
時一句子箇益乾坤一句子奔流度刃你有主丈子
我與你主丈子你無主丈子我奪却你主丈子

上堂今朝又是五月一大盡小盡數不出八臂那吒
沒柰何夜叉屈膝眼睛黑

師一日問僧云選佛得甲科時如何僧無對師云一
字不著畫僧禮拜師云有甚交涉

端午上堂盡大地是藥信手拈來草芥殊與善財一
起復一倒當機解變通更問中峯老日中或飢或飽
夜後蚊蟲猶蚤事事求如意日日添煩惱有事不如

無事好

大名路臨濟祖無傳長老至上堂昔臨濟於黃蘗棒頭得旨便歸建立法幢自是六傳至泚陽皆道盛河北二百年來南北間阻行脚師僧不過淮河正宗寐寐一至於此今者夙緣慶幸見聖臨濟道場無傳和尚不遠數千里而來正令風行生機電掣作苦海之舟航起膏肓之良藥山僧見之不取思之千里不見泉大道訪慈明明云片雲橫谷口游人何處來泉頗視云夜來何處火燒出古人墳明云未更道泉遂作庸聲明以坐具撼一下泉推慈明就座明卻作庸

語錄

十四

聲泉云某甲叅七十餘負善知識今日始遇作家師云若論作家恁未是在何也一人得其體而未得其用一人得其用而未得其體如何敢稱臨濟兒孫諸德你若檢點得出非惟圓它古人舊話亦免今日鈍置無傳和尚薦拈主文卓一下云棒頭有眼明如日要識真金火裏看

上堂金佛不度爐木佛不度火泥佛不度水真佛屋裏坐唱一喝云文殊普賢因甚在你脚跟下過解夏上堂舉僧問九峯西天夏末多有得道果者未審此間有也無峯云有僧云是什麼人峯云頭戴午

夜月腳踏黃金地師云西天此土不離寸步得道得
果鳳縈金鎖我此一衆捨不與麼不用脩行也無功
課九十日中亦不虛過如今暑退涼生一徑經行聖
卧莫問祖師機緣捨是野狐涎唾便是鶻眼龍睛也
與從頭按過放出長沙老大虫驚倒嵩山破竈墮
重陽上堂中峯用處沒踈親道合寧論主與賓却笑
汾陽強不別重陽九日菊花新

為應氏夫人小叅撲落非它物縱橫不是塵山河并
大地全露法王身有般漢聞得便道森羅萬象日月
星辰樹木山川草芥人畜咸是如來妙圓真心又有

語錄

十五

卷

道即見聞覺知之性而為佛性語默動靜坐卧經行
熱則乘涼寒則向火飢來喫飯困來打眠大盡三十
日小盡二十九無一絲毫增減無一絲毫隔礙如斯
之輩盡是依草附木精靈與彼外道六師無有差別
所以乾峯道法身有三種病二種光須是一一透過
始得慕拈主文云看者盡十方世界若凡若聖有情
無情盡向山僧主文頭上七縱八橫各全妙用卓一
下云於斯透得便見今辰孝男楊某追薦母親應氏
夫人即今與十方諸佛諸大菩薩同一見聞同一受
用聖寶蓮華應微塵國化事已周所作皆辦其或未

然更看主文子湧身虛空現十八變為汝證據復卓
一下云百寶莊嚴無相身一超直入如來地

復說偈云我觀如來真性海離名離相本空寂以悲
願力度衆生莊嚴百寶為淨土衆生根性各不同於
諸境界有差別丘陵坑坎或高下隨業示現諸惡趣
教真歸元一念頃衆生諸佛悉平等善哉應氏淨信
女於此法門能信入如妙蓮華出淤泥如淨琉璃舍
寶月雖處生死隨世緣而於生死如游戲靈光獨耀
脫根塵本源自性如如佛佛身清淨如虛空或費或
毀不動搖我今無說亦無示聽者無聞亦無得一期

語錄

十六

佛事已周圓回向無邊功德聚普願饒益諸有情同
證如來寂滅樂

開爐上堂火爐頭話無賓主中峯一一為君舉担不
成團擘不開貴似黃金賤如土放兩拋三是幾多五
五元來二十五

師一日云青州布衫重七斤古人道了也畢竟萬法
歸一一歸何處時有僧出云東廊頭西廊下師云什
麼處見趙州僧擬對師云捧上不成龍

結夏上堂舉天平依和尚行腳時叅西院常云莫道
會佛法見箇舉話人也無一日西院遙見召云從依

我憶寒山

青苗會上堂雨澤應期秋成可望信知道一雨普霑
三草二木各遂其生一音演說大小根機各充其量
直得山前廖胡子無著歡喜處高聲唱道五臺山頂
雲蒸飯佛殿堦前狗屎天刹竿頭上煎餛子三箇胡
孫夜斲錢拈主文畫一畫云家無白澤之圖必無如
是妖怪

鹽官州海圻行中書省會集教禪諸山徃彼祈禱師
陞座拈香云無今無古歷劫石以彌堅非色非空等
金剛之不壞以之扶顛持危則為中流砥柱以之拯

語錄

溺濟世則為苦海津梁惟茲海溢潰流痛使下民昏
墮銜石填海自憐精衛之愚立極戴山敢借巨鼈之
力伏願神力護持永息風濤之險民物生聚免罹魚
鼈之災輶神龍於九淵開沃壤於千里高者丘陵卑
者川澤各奠厥居建諸天地質諸鬼神以俟萬世就
庠問荅罷乃云天無私蓋地無私載山河大地盡被
恩光四聖六凡咸資化力所以道一切世間諸所有
物皆即菩提妙明元心清淨本然周遍法界良由衆
生業重情深故有陰陽失序風雨不時慧孛飛流日
月剝食山河崩決世界遷移近者鹽官水失故道沃

壤化海波而去生民為魚鼈之憂官僚士庶哀彌祈
禱諸山僧眾呪力加持精進感通當獲報應記得佛
在世時有一毒龍佛勅五百尊者降之不得忽異方
有一尊者至佛勅令降尊者彈指一下其龍便伏大
眾佛世比丘神通一等因甚五百尊者降彼毒龍不
得異方尊者卻乃降之畢竟諳訛在什麼處拈主文
云於斯明得非惟百怪潛蹤千祥並集直得大海揚
塵須彌起舞正與麼時畢竟功歸何處卓主文云若
無砥柱中流力誰見泰山盤石安

師有時云身心一如身外無餘大海水在你鼻孔裏
須彌山在你額角邊一如虛心在什麼處

語錄

一九

昨

解夏小叅萬機不到百匝千重一句全提七穿八穴
萬里無寸草出門便是草濶陽洞山前不講村後不
迭店中峰明日解制今夜一采兩賽去也拈主文畫
一畫云透過一字關撼碎三玄要狸奴白牯笑不休
露柱鐙籠皆踣跳因甚如此一家有事百家忙

復舉瀉山示眾云行腳高士直須向聲色裏睡眠聲
色裏坐卧始得踈山出問云如何是不落聲色句瀉
山豎起拂子踈山云此是落聲色句瀉山便歸方丈
踈山不契遂辭香嚴嚴云何不且住踈山云某甲與

和尚無緣嚴云有何因緣不契試舉看踈山遂舉前
話嚴云某甲有箇語踈山云道什麼嚴云言散非聲
色前不物踈山云元來此中有人乃囑香嚴云師兄
向後有箇住處某甲却來相見為山至晚問香嚴云
問聲色話底矮閣梨在麼嚴云已去也為山云向子
道什麼嚴云某甲亦曾對它來為山云試舉看嚴云
言散非聲色前不物為山云它道什麼嚴云它深宵
之為山大笑云將謂者矮子有長處元來只在者裏
此子向後設有住處近山無柴燒近水無水喫師云
衆中商量盡道為山用向上爪牙惜乎踈山失却一

語錄

三

東

隻眼殊不知正是為山失却一隻眼却被踈山勘破
中峯恁麼道諸人還甘麼

上堂禪人九夏居工夫徹不徹三際一刹那無解亦
無結東西與南北當處盡超越袈裟裹白雲主丈挑
明月不纏凡聖行是名大休歇

中天竺語錄終

大龍翔集慶寺語錄

門人

崇裕

等編

天曆二年二月初三日入寺拈

公䟽示衆云一竿竹建精藍随心具足八十頃布金地當處圓成今日諸官欽奉

聖旨具䟽敦請開山最初一句如何剖露金輪統御三千界玉曆延洪億萬春

拈法座云抹過此土西天聖斷千差萬別就下平高看孔著楯陞座拈香云此香全體全用胚暉大化之初至貴至尊秀發九天之上價重甄琳迦寶芳騰優

語錄

廿一

鉢羅華與物為春布陽和於大地應時現瑞開壽域於八荒蕪向寶鑪端為祝延

今上皇帝聖躬萬歲萬歲萬歲陛下欽願乾元立極景星耀而泰階平天曆在躬聖人作而萬物覩與天齊壽萬國來賓遂就座上首白槌云法筵龍象衆當觀第一義師云第一義諦明如杲日寬若太虛萬彙森然纖塵不立明今舉古無非節外生枝立主立賓何異虛空釘橛然

聖旨建寺諸官臨筵不可只恁麼休去還有共相激揚庶麼問答罷乃云釋迦世尊捨金輪而登佛位

今上皇帝從佛位而御金輪收攝三千刹海於一印
中具足八萬法門於一豪上如華嚴會上菩薩得無
盡福德藏解脫門於一器中出生種種珍寶隨衆生心悉令滿
於衆會仰觀空中而兩種種珍寶隨衆生心悉令滿
足然後得其寶者盡證法門食其味者咸成妙道無
一塵而不具足佛事無一法而不圓滿正宗即今崇
建寶坊闡揚法施諸天音樂不鼓自鳴梵唄詠歌自
然敷奏十方菩薩咸集道場八部天龍同伸慶贊還
有不應化城徑登寶所者麼擊拂子云四海已歸皇
化裏時清休唱太平歌

復舉世尊與衆行次以

語錄

廿二

手指地云此處宜建梵刹時天帝釋將一竿竹插地
上云建梵刹竟世尊微笑師云帝釋為三十三天之
主雖則一期施設其奈理事未備

今上皇帝以興龍潛邸改創梵宮復命禪宗敷揚向
上宗旨與天帝釋所成功德何啻百千萬億倍縱使
虛空為口贊歎莫窮臣僧借水獻花輒成一頌文六
金身一莖草瑠樓王殿恰相當交羅帝經山河影旋
繞須彌日月光華雨晝飄龍座暖天風時送御鑪香
臣僧共仰恩光近五色祥雲擁帝傍
掛立寺額示衆云金輪天子之勅帝釋梵王之宮金

不燭且道今日因甚去要重新點眼於斯明得便見
欽奉

聖旨鑄造佛像圓成臺官慶贊

皇恩佛恩報畢倘或未明更看山僧筆頭點出頂門
正眼明如日覲面當機見得親正法萬年宣

聖化山河國土現全身

謝膽巴完上上師上堂大覺世尊菩提塲中始成正
覺便拍娑婆穢土即是華藏世界凡夫無明即是根
本大智而衆生根器狹劣不能直下洞明復向鹿野
苑中方等會上四十九年隨機演說或偏或圓或顯

語錄

廿四

或密種種方便種種隨順逗到入般涅槃復以正法
付囑王臣流通宣布故我

今上皇帝乘佛顏力示現王宮主持世界利益有情
仍以潛邸崇建寶坊特命完上上師遠來慶贊為佛
法之津梁作人天之眼目如優曇鉢華千載一遇前
日合臺官僚諸山僧衆勸請放秘密戒可謂竒哉竒
哉希有希有只如須菩提巖中燕坐空中兩華贊歎
尊者問云兩華贊歎復是何人答云我是梵天尊者
云汝云何贊歎天云我重尊者說般若波羅蜜多故
兩華贊歎尊者云我於般若未嘗說一字汝云何贊

莫天云尊者無說我乃無聞無說無聞是真說無說
波羅蜜多又雨華贊歎大衆須菩提尊者說般若波
羅蜜多是顯耶是密耶與完上上師是同耶異耶非
同耶非異耶驀占正卓一下云一句渾侖無向背
曰輪當午八方明

朝廷降給齋糧併請監寺與座上堂我本無心有所
希求今此寶藏自然而至楊岐金剛圈十分光彩東
山鍊酸餡百味具足若是知恩報恩不妨大家受用
且道受用箇什麼幾片白雲橫谷口數聲寒雁起滄
洲令人苦憶寒山子紅葉斷崖何處秋

語錄

廿五

請首座提點無謝吉祥崇教二長老上堂擘開秦華
巨靈謗逞其威百步穿楊由基未為中的所以接雲
門嗣雪峯指臨濟叅黃蘗睦州眼裏無筋拽耙牽犁
種田博飯揚岐腕頭欠力龍翔尋常不敢輕意用人
及至用時以一當百如漢高不善將兵而善將將非
惟細紀叢林要作後來榜樣更有難弟難兄來往更
鼎迭唱不妨打鳳與羅龍龜七結經三千丈

浴佛上堂今朝四月八日天下叢林悉皆浴佛只如
無邊身菩薩以竹杖量世尊頂丈六了又丈六量至
林天不見世尊頂相正與麼時且作麼生浴直得長

干塔踣跳上非非想天撞倒百億須彌山掀翻無邊香水海杜順和尚謹喜踊躍說偈贊歎懷州牛喫禾益州馬腹脹天下覓醫人灸猪左膊上釋迦老子被它驀頭一杓隱身無地諸人隨例浴佛則不無且道杓柄長多少唱一唱

上堂舉臨濟示衆云赤肉團上有一無位真人常在汝諸人面門出入未證據者看看時有僧出問云如何是無位真人濟下禪床搯住其僧擬議濟以手拓開云無位真人是什麼乾屎橛便歸方丈師云兩鋒相直者不虛發由基之箭斲堊而不變者始可運郢

語錄

廿六

人之斤臨濟尋常氣宇如王却作小厮兒戲幾乎法道遇大風而止龍翔今日作死馬醫無位真人築著磕著證據將來依然是錯且道是臨濟錯龍翔錯從教天下人卜度

一日有僧來參師云豎拂拈槌古佛榜樣擎杈舞劍列祖條章衲僧門下一句作麼生道僧珍重便行師云不消一箇

為奉聖滅菴和尚引聖傳佛心宗不是細事荷擔大法須得其人所以首山風穴單丁草屋住三十年而法道之盛過於萬指千礎後來真淨和尚又道先師

在黃蘗衆不滿百而明眼輩幾半今雖三倍當時纔
一兩人而已可謂千兵易得一將難求今日奉聖專
使來請第一座住山留之則孤彼來意放行則此衆
失依諸人還定當得麼若定當得便見靈山會上千
葉騰芳少室峯前一枝獨秀如或未然更聽主文子
通箇消息卓一下云銀山錢壁無回互草偃風行得
自由
復舉楊岐在九峯受請下座九峯勤和尚
把住云且喜得箇同叅岐云同叅底事作麼生峰云
九峯牽犁楊岐拽耙岐云正與麼時楊岐在前九峯
在前峯擬議岐拓開云將謂同叅元來不是師云楊

語錄

七

岐九峯填笈迭奏今古罕聞龍翔今日對衆舉揚貴
要大家知有且道知有箇什麼祖翁田地無多子努
力同心兩弟兄

上堂龍翔孟八郎惡辣難近傍佛祖也潛蹤從教人
起謗雲門扇子跳上天趙州葫蘆挂壁上寒山掃地
接豐干却是南嶽讓和尚

百丈和尚朝覲回上堂一扭鼻頭痛一喝雙耳聾黃
金不重鑛獨坐大碓峯佛智先師將百丈祖師活計
一時併蕩賴有東陽法弟向九重城裏萬乘之前
全辭而歸致令山僧均受光寵今日不敢囊箴對衆

明明顯示諸人要識祖師麼拈主又擲下云西天此土無人識五百生前箇野狐

金山長溪和尚遺書至上堂大法既微賴恢宏於堪忍界內幻身雖沒當鼓舞於滅滅海中臨濟道不得滅吾正法眼藏大覺道我要付與一隻箭良由弘法心重愍物情深故有落草之談諸人還見金山垂手處麼錢船無底踏翻去依舊東山水上行

文宗皇帝聖忌滿散藏經上堂尊而無上高超象帝之先貴不可名坐斷毘盧之頂其體之大則容攝十虛其用之廣則包括萬類如月涵衆水無不淨穢之

語錄

卷八

殊春在百華不見正偏之相妙有不有真空不空所以道無邊刹境自它不隔於毫端十世古今始終不離於當念擲大千於方外納須弥於芥中於斯見得便見

文宗皇帝昔從佛地示現王宮撫治邦家又安宗社化導已周復歸佛位寂然不動智普應於十方廓爾無私化已周於沙界臣僧與麼贊揚且道還契

聖意也無良久云優鉢天香吹不斷又從兜率下閻浮復說偈云佛心覺照妙無遺包括乾坤轉化樞曰應萬機常歷歷那伽大定自如如三千刹海毘盧藏

百億山河帝網珠惟願不忘悲智力重開慧日照昏衢

前堂首座赴保寧請上堂開無明華結三毒果魔王惡業現前驅耕夫牛奪飢人食白拈手段无高所以百丈再參馬祖震威一喝直得三日耳聾黃檗聞之不覺吐舌始知大機大用不假師承鉗鋸妙密属乎當人如我仲方法弟先師之所敬畏頃辭海上名藍屈為山中表率茲奉丞相鈎命往赴保寧之請所謂法隨法行法幢隨處建立鎔凡鍛聖烹金鑪耀古騰今打鳳羅龍龜毛繩漫天匝地直得無路可行無門

語錄

廿九

可入山僧為汝諸人作箇方便拈主丈擲下云喪身失命知多少照顧南山鱉鼻蛇

佛智和尚忌拈香者一著子不從人得豈假師傅雖是久從此老且無絲毫交涉二十年前空手把鉏頭步行騎水牛二十年後人從橋上過橋流水不流休休鳳栖不在梧桐樹一度西風一度愁

上堂拈花微笑彩奔齷家斷辭安心漏逗不少汝諸人外上又作麼生不經一事不長一智

靈隱獨孤和尚遺書至上堂靈機絕待不涉去來妙用無方寧存軌則大梅聞鼯鼠聲埋沒自己普化索

木直櫟誑惑它人爭知我靈隱和尚隨緣施設不墮
功勳七十四年光前絕後直得飛來峯起舞冷泉亭
踣跣諸人還見此老涅槃後大人相麼落落橫身三
界外堂堂獨步劫空前

達磨祖師忌拈香八百年前向者裏落節却贏得一
著八百年後向者裏拔本却輸了一著且道是那
一著一任天下衲僧貶剝

謝頭首上堂看看臘月二十五雲門一曲憑誰委打
鼓當陽普請看萬象森羅齊起舞西序藜林喜得人
冲霄鸞鳳看高舉進退威儀揖讓時就中一唱不賓

語錄

三十

主且道那箇是賓那箇是主唱一唱甜瓜徹蒂甜苦
瓠連根苦

除夜小叅星馳電急節換時移大威德殿麻哈刺與
天帝釋巡行世界蹉腳踏翻香水海大地平沈正當
新舊歲君交承之際不覺手忙脚亂舜若多神出來
唱言蘇嚕唎唎蘇嚕諸人還會麼卓主文云意
氣不從天地得英雄豈藉四時推

復舉雲門示

衆云乾坤之內宇宙之間中有一寶秘在形山拈鐙
籠向佛殿裏將山門來鐙籠上師云大無外小無內
塞壑填溝泥團土塊倒騎佛殿出山門露柱鐙籠俱

不會

上堂狸奴白牯笑相逢報道新年喜氣濃五鳳樓前
聽玉漏須彌頂上擊金鐘

上堂近日堂中清衆染患諷誦禱祈悉皆平復只如
法身有三種病二種光作麼生透有般漢聞得便道
嘉州大像耳聾陝府鏡牛白癩兩箇病痛一般咄哉
漆桶不快且喜沒交涉山僧見處也要諸人共知旃
檀樓閣白牛車曉日光籠五色霞誰向東風歌一曲
御園開徧牡丹花

師室中常舉百丈野狐話問僧對者多不契一日自

語錄

三十一

張

云百丈野狐野狐百丈埋作一坑伏惟尚享

上堂金雞須彌運天上之風雷玉燭調元布人間之
雨露而沙門釋子特免差徭蓋是夙承佛記令法久
住所以前日山中進退兩序六欲各効乃職同轉頭
輪掀翻龍藏凡聖不居拈起金槌佛祖乞命如香林
之侍雲門楊岐之佐慈明以之續佛慧命以之荷負
叢林如斯保任未足鼎恩不見道劫石有消日君恩
無盡時

上堂舉長沙岑禪師與仰山翫月次仰山云人人有
這箇事只是用不得岑云恰是倩汝用仰山云作麼

生用長沙與一踏踏倒仰山云直下似箇大蟲師云
一人開關延敵一人埋兵掉鬪若是者箇事捻未夢
見在

聖忌滿散藏經上堂釋迦如來為一大事因緣出現
於世四十九年宣揚正法化導羣生至法華會上為
諸弟子授記作佛始暢本懷然後入般涅槃示化儀
之有終也如我

文宗皇帝乘佛願輪續皇正統靈樞密運廓清魔孽
之封疆寶印全提紹正

祖宗之神器屢推義讓廣布仁慈宰輔効忠建大勲

語錄

三十二

於伊呂嗣 皇繼 聖臻至治於唐虞八表歸仁萬

邦樂業而奄棄臣民復歸佛位

皇太后遣使頒降金帛看閱大藏經文上資

聖駕佛化王化功歸一揆金輪法輪同轉道樞於一
毫端現寶王刹當處圓成破一微塵出大經卷稱性
演說其見色也頭頭彌勒其聞聲也處處觀音文殊
於無差別智現有差別身普賢於有差別境入無差
別定刹刹自然正受塵塵法爾禪那何處不成等正
覺何處不轉大法輪何處非化導羣生何處非入般
涅槃又何福不臻何恩不報如斯提唱猶是教乘展

演之談只如不落玄妙機關一句如何剖露良久云
先皇功業垂無極 聖子 神孫億萬年 復舉
東印土國王請般若多羅尊者齋次王問云衆僧看
經尊者緣何不看尊者云貧道入息不居陰界出息
不涉萬緣常轉如是經百千萬億卷非但一卷兩卷師
頌云是經常轉百千卷越聖超凡亘古今阿闍自便
丹鳳宿澄潭豈怖卧龍吟江河淮濟同歸海釵釧并
盤共一金縱有虛空廣長舌宣揚不盡
聖恩深

冬至小叅晷運推移日用親全功不借妙通神石牛

語錄

三十三

長吼天邊月鏡樹重開劫外春寶鏡當臺含有象太
阿出匣淨無塵掃除佛祖間途轍始稱歸家穩聖人
雖然只如洞山道有一物上拄天下拄地黑似漆常
在動用中動用中收不得過在什麼處諸人作麼生
商量若也道得非惟豁開正眼光耀乾坤亦乃截斷
衆流不存涓滴如或未然卓主丈云急著眼看
復舉慈明揭榜堂前復題其石曰若人識得不離四
威儀中首座一見便云和尚今晚放叅師云衆中盡
作奇特商量其奈傍觀者哂龍翔則不然慈明如蟲
禦木首座偶爾成文崑崙來處無涓滴流出黃河九

曲潭

謝首座秉拂上堂舉大慧和尚在雲居圓悟會中作
首座冬夜秉拂昭覺元禪師出問眉間挂劍時如何
大慧云血濺梵天師云竒哉竒哉一千七百善知識
生氣凜然誰知二百年後金陵城中再逢作者如獅
子筋琴一奏則衆絃皆絕如塗毒鼓一擊則聞者皆
喪我此一衆親近承事勿生疲歇各隨根機成就法
器雖然有際天之雲濤可容吞舟之魚有九萬里之
風可負垂天之翼

一日衆僧叅次師云鐘鳴鼓響為汝發機露柱鐙籠

語錄

三十四

為汝作證因甚來者裏聽人處分僧無語師云老僧
罪過

除夜小叅山林城市喧寂何分世出世間聖凡不二
所以道法隨法行法幢隨處建立茲山官寺

先帝潛宮雖衲子於此安禪而官貴往來襟還前日
講習賀正朝儀規行矩步無非佩玉腰金武畧文韜
揔是麒麟獬豸又見攢華簇錦散揚出格風光鬼面
神頭展演當行旗鼓直得張公喫酒李公醉鍾馗解
舞十八拍金雞唱曉石女游春即事全真開舜若身
中活眼借功明位現毘盧頂後神光一一蓋色騎聲

一一超今邁古正與麼時如何是不涉見聞一句無
目仙人能揣骨開市却逢把手驚 復舉僧問趙
州萬法歸一一歸何處州云我在青州作一領布衫
重七斤師頌云趙州七斤衫未舉先勘破休論重與
輕且喜冬寒過

元旦上堂金剛正體露堂堂萬象森羅般若光泯去
來機超當念無陰陽地理全彰木雞報曉啼深巷石
女迎春出洞房共喜龍河多瑞氣天風時送御鑪香
育王石室和尚至上堂金襴傳外倒却刹竿祖禰不
了九峯牽犁楊岐拽耙殃及兒孫逗到今日戶破家

語錄

殘更是不堪拈掇賴有育王法弟布漫天網魚龍鯢
蟹齊收揮金剛王佛祖人天乞命起妙喜已墜之宗
承先師最後之託龍翔只得倒退三舍何也正法眼
藏瞎驢滅少林的髓付神光

上堂入夏已半月為問寒山子天台不歸去頭白紅
塵裏賴有同道人相伴為知己文殊踞虎頭普賢收
虎尾佛法忽現前不用生歡喜洗面摸著鼻元是自
家底

東林古智和尚遺書至上堂拈兔角杖敲出佛祖骨
髓握吹毛劍掃蕩今古葛藤臨行道箇聽末後句爛

燕虛空如臨濟滅却正法眼得三聖直下承當盤山
告衆索傳真普化獨解翻筋斗龍翔與麼追悼衆中
莫有換手捉胃者麼擊拂子云寥寥天地無知己不
聽遺音空絕絃

結制小叅行脚高士出一藜林入一保社放下袱子
如放下一座須彌山不肖造次況回來兄弟同此安
居莫非宿緣明日結制今夜小叅謂之家教如家裏
人說家裏話心心相照眼眼相對一點外來也著不
得須要如實而談如實而行方為相應每見近時宗
師教人提箇話頭萬法歸一一歸何處又教人看僧

語錄

二十六

問趙州狗子還有佛性也無州云無使其朝叅莫叅
疑來疑去謂之六疑必有大悟雖是一期善巧方便
其柰愈添障礙以故愚癡之輩一丁不識竊吾形服
經教不知戒律不守問著百無所能但道我請益善
知識舉箇話頭心裏誦心裏想如三家村裏學堂教
小兒子念上大人相似眼醒記得睡著忘了或用心
太過愈疑愈亂遂至失心顛狂或妄生卜度胡言亂
語誑哄無知或癡癡兀兀黑山下鬼窟裏淹過一生
直至頭白齒黃眼光落地不得纖豪之力殊不知如
牛駕車車若不行打車即是打牛即是又佛說才有

所執謂之計著便墮常見若捻無心謂之自然墮在
斷見故外道六師為佛所訶作止任滅目為四病正
謂此也吾今教汝直下知歸當頭領略汝即今自己
昭昭靈靈了了當知虛與空劫那畔未有人物世界
已前一段廣大光明曾無少異只為瞥起一念便有
三界二十五有輪轉升沈無休無息如今將此一念
回光反照湛如止水瑩若明珠常覺不昧寐而常照
照而常寐至於出死入生捨身受身去來自在如游
園觀或示三十二應如觀音大士或現千百億身如
釋迦世尊至如聲聞悟四諦法緣覺悟十二因緣菩

薩修六度萬行佛住等覺妙覺皆不離此一念回光
反照之效也一大藏教橫說豎說西天此土諸大祖
師天下老和尚行棒行喝種種方便無非直指人心
見性成佛幾曾教你別起疑情自生障礙山僧與麼
告報不妨直截但如是體究如是承當親到發直歸
元之地則十方虛空悉皆消殞而成佛無疑矣雖然
忽有箇出來道者裏是什麼所在說心說性說長說
短拽下禪床痛打一頓也怪它不得如或未然密把
鴛鴦間繡出金針終不與人看

一日有僧來參師以手指云釋迦彌勒文殊普賢從

你腳跟下過去了也僧顏視左右師即喝出

上堂妙喜祖聞圓悟舉薰風自南來殿閣生微涼忽
然大悟且道悟箇什麼臨濟破夏上黃蘗中途疑著
却回終夏又疑箇什麼我此一衆箇箇氣宇如王誰
肯喫人殘羹餽飯雖然也須是腳踏實地始得

謝書記藏主侍者上堂臨濟三玄三要指鹿為馬黃
龍佛手驢腳喚金作鍮一大藏教是切腳三千刹海
一浮漚吾孤負汝汝孤負吾劍去已遠刻舟奚求休
休青山歸未得又過一年秋

聖忌滿散藏經上堂掀翻寶藏不涉言詮頓悟經王

語錄

三八

寧拘文字所以道在聖同聖在凡同凡在天同天在
人同人塵塵爾刹刹爾念念爾不動纖豪修證心一
超直入如來地諸人若能如是披閱方可上承

文宗皇帝神御頓轡圓覺妙場遊戲大華藏海住佛
境界同佛受用或示千百億身四聖六凡羣機齊赴
或現三十二應河沙國土妙用全彰如是則祐我邦
家福我黎庶功高莫報恩大難鼎正與麼時且追嚴
一句作麼生道良久云虛空可量風可繫無能盡說

佛功德

復舉梁武帝請傳大士講經大士揮尺

一下便下座師頌云法筵龍象聽全提大士何煩案

尺揮真俗混融猶有化君臣道合自無為風吹日炙
毘盧截鵲噪鴉鳴諸佛機三會龍華齊渴仰人間天
上幾時歸

徑山元叟和尚遺書至上堂昔妙喜祖到蔣山應菴
和尚上堂云天下具大眼目尊宿惟法舛一人而已
今我徑山法舛再世妙喜也小姪曾聞於 朝請為
茲寺開山而未果所願遺書忽臨如觀象駕之至堂
堂正體儼金錫之橫肩琅琅法音聞虛空之振鐸四
衆攀戀不勝哀感既是生死無間未免賓主相見去
也傳家只个金剛王留與兒孫作標格

語錄

三十九

達磨忌拈香東土西軋無授受一華五葉自芥披兒
孫豈敢超宗祖只要家風似舊時顧衆云達磨大師
來也大衆同伸三拜

冬至上堂羣陰剥盡一陽復生四時運行萬物資始
直得護龍河上化日舒長觀稼亭前祥雲五色城市
笙歌鼎沸士女游觀山堂鐘鼓深沉衲僧禪寂真諦
俗諦不二佛法世法混融所以道知一切法即心自
性成就慧身不由它悟

謝首座秉拂都寺齋上堂問一荅十問十荅百當陽
突出須彌盧於食等者於法亦等信口咬破錢酸餡

一句三玄一玄三要千牛拽不回先照後用先用後照後鷓越不及離四句絕百非則不問如何是摩訶衍法卓主文下座

上堂摩竭掩室拂跏跏生毘耶杜詞雕文喪德何況據曲求木鼓两片皮如以五采繪畫虛空徒自勞爾山僧尋常不陞此座貴在心心相知而道場豐安二法弟來訪勸請為衆敷揚記得夫容訓禪師訪實性大師實性以右手拈主文過左邊云此事若非夫容師兄也大難委悉諸德看它得底人直是不肖容易動著所以長慶道撞著道伴交肩過一生參學事畢

語錄

四十

張

且喚什麼作參學事擊拂子云羚羊挂角千峯外更有羚羊在上頭

龍翔語錄終

真贊

觀音大士三

門門證圓通法法無差別文殊擇法眼云何示優劣
如城之四門中道乃徑捷又如百川流大海悉融攝
是故觀世音日用常三昧根塵識和合世間相無礙
盡空諸所有亦不壞三界隨其所應度說法示慈愛
心地諸種子大小各不同時至雨露滋發生均化工
幻師一豪端幻相三十二而彼諸應身即我自心是
觀心而觀相心相俱寂滅稽首常現前證我如是說
耳於六根功獨超勝況不耳聞反聞自性前塵起滅

語錄

四十一

自性不動以不動故諸根互用辟之大將遇變出奇
金鼓旗鎧錯置逆施稽首大士證此三昧為我後人
委曲垂誨三十二應十四無畏隨感而通分身異類
如天元氣四時運行萬物芸芸莫知其生我觀畫師
豪端游戲即是神通現相不二我眼見像如聽法說
心精遺聞均一解脫心佛衆生同證無礙不立一法
名觀自在

從聞思修入三摩地寧非方便借功明位聞盡覺空
頭頭合妙用而常寂寂而常照如鏡照像如谷答響
非色非聲非促非廣分身國土處處圓通鷹巢蚌腹

月影春容我贊我禮萬象發機水鳥演說林木流輝
洗我根塵常光三昧頭我成佛空衆生界

繡觀音童女相

金針密密玉纖纖花鈿雲鬢翠欲添三界漂流深似
海與誰攜手夜明簾

金針映日散天葩玉線風前整復斜共喜慈容開月
面誰知春色在儂家

金剛經書觀音像

識得金剛體自如空華結果強塗糊雕虫謬費三年
楮游鱉空縈九曲珠大士塵塵三昧力衆生念念刹

語錄

四十二

那殊顏輪拂盡河沙劫誰道天衣重六銖

提魚籃像

垢面蓬頭垂鬢腳深情不遣旁人覺籃裏金鱗不直
錢褰裳特地呈瓔珞恨殺擡頭蹉過多萬里江天雲
漠漠

草衣文殊

草衣被體髮毵毵不識前三與後三鈍置毘耶師子
座天華如雨兩忘談

拈玻璃問無著老用盡赤心著草衣向呂惠卿打失
隻眼助揚七佛古風規也是逼人供死款百億毛頭

師子不用施呈二十五位圓通何勞不揀甘心貶向
錢園山南泉門戶如天遠

維摩居士

大雄出世衆聖輔之敲唱雙舉啐啄同時如雷轟而
輻動龍躍而雲隨所以淨名不起于座搏妙喜世界
如陶家輪非凡非聖全俗全真取飯香土借座燈王
一激一揚其道愈光既非法爾如然何有神通之妙
若論不二法門向上更有一竅

十六應真

稽首十六大開士天上人間恣游戲龍孟席錫千萬

語錄

四三

里白雲在天天在水變現種種諸三昧何似山僧百
不會飢來喫飯飽勦勦神通只有這一解

達磨祖師三

在彼中天薦生聖人大法之統是承是遵如時在春
如雨潤物如月之明如日之出解駁羣冥照無偏虧
六宗孔熾闢之以詞願瞻神州有大乘器十萬西來
不我遐棄亦有經論百家之師豈不臻奧道亡多岐
壁觀耽耽不顯神異大法之傳待授之器立雪有待
斷臂而前咨爾得髓可以比肩五葉一花化周三極
拜手頌言以贊以式

三遭獻別者不若全辭而歸投竿汚池者寧識五十
之牯故一帚絕江去梁游魏然假其物反其主負其
命者死無悔分髓分皮餘波未泯遺臭萬年彌天之
罪古德有言師心予戴

航海而來游梁歷魏悽悽無地容身覓甚大乘根器
人離鄉賤物離鄉貴有利無利不離行市賴有未上
一機借人鼻孔出氣隻履翩翩歸去來從此虛名滿
天地

六祖大師

菩提無樹皮穿骨露明鏡非臺確菖花開一相三昧

語錄

四四

一行三昧夾截虛空重增障礙一花流五葉之芳四
海疏曹溪之派玉線金針不見蹤空留古錦令人愛

黃蘗禪師

宗門有大機一喝怒雷威耳聾既無及吐舌亦奚為
泰華擘開子孰識巨靈之斧鑿鴻濛忽判子徒驚元
氣之淋漓賴逢臨濟小厮兒痛拂六十如蒿枝宣宗
驀被攔腮掌衰相親遭腦後槌所以金聲玉振千載
之下龍驤虓驟百世之師寶所化城元不住當觀密
室爛如泥

風穴禪師

柴肩槁
擘破三
咄哉黃
虛占如
瓜徹若

尖單丁草屋免被人嫌對廓侍者
計向汝州牧誇張鋪席誑哄問
置殺人臨際法道遇風而止識不
一位畢竟是何種草苦瓠連根苦甜

首山禪師

日輪午後全身現遍在春風百草頭描不成子畫不
就楚王城畔水東流

涿陽禪師

高莫逾於天厚莫逾於地以天地而喻道高厚有以

語錄

四十五

未至荷擔此道夫豈細事矧茲重器繼佛祖位猗歟
涿州法中鳳麟如彼重昏照世日輪三玄戈甲五位
君臣妙得其機七十一人搏取大千藏於一塵一塵
不立剩却法身阿呵呵見也麼萬象明明該不得重
陽九日菊花新

徑山佛智先師為隱靜菴主贊

釣鯨鯢者不屑於鰕蟹擒虺兕者何有於犬羊故慈
明接黃龍而諸子盡癡圓悟得妙喜而其道益昌稽
首我師五坐道場辯說無碍雷雨八荒宜若種族羽
嘉鳳皇眼明獨許阿那律隱靜菴中一炷香

又為楊岐所長老贊

有院不會住有話不會舉甘墮野狐身錯答一轉語
分臨濟三玄要半合半開拈仰山四藤條或賓或主
凌霄峯頭雲梅花洲上土付與磻窠兒合火相齧齧
踢出楊岐三脚驢咬殺南山白頰虎

上竺湛堂法師像為大雄天紀常講主贊

屠龍烹鯨者非圖果腹而食追風捕景者不與爭道
而馳非疑世以駭俗固小大之異宜觀師之校經赴
召天澤淋漓窮玄肆辯佛海渺瀰故東南麟龍咸願
進籌而入室京輔耆宿何止折角而交綬況行道觀

語錄

四六

夫時說法善其機支遁購沃洲以千金豈知吾土而
吾有辯才棄天竺而復反孰若忘去而忘歸尚眷疇
昔莫報所知粉繪風生翹想雨華之會銀河瀉浪空
瞻斗柄之垂天闕千載嗚呼噫嘻

仰山了堂和尚像為瑞州真南山長老贊

藜林楷稷古德風度圓鑑待之雲門靈樹卍字堂前
父子激揚凌霄峯頭主賓交互花擘臨際三玄要指
出巖頭末後句一味謗佛謗祖不問西天此土誰道
入滅闍維無數設利堅固更是傳家不之人驂騑要
試追風步

中峯和尚像二

藜林以五山稱雄師則力辭其聘末習以言說相尚
師則示之實證力救時弊掃空禪病疏萬派於同源
會三宗於一鏡解使臨濟白拈莫辨蹤由破蕩高峯
活計更無少剩然假物者歸其主殺人者負其命氣
類相感土鳥破鏡豪髮無差一印印定繪之五采錦
覆深窵我作贊詞虛空安柄

有妙喜之波瀾而不住凌霄峯有圓悟之福慧而不
對延和殿然萬袖颺風豈止千七百之繞圍金襴兩
賜寵逾中使之召見正體絕偏圓虛空無背面月影

語錄

四十七

春容處處同留與人間作方便

斷崖和尚像

短衣勃窣寒涕垂頤不纏凡聖賣峭放癡死關拶透
活路藕絲牽動須彌大地平沉處虛空粉碎時非語
非默不落斷崖之句或嗔或喜全施陷虎之機三千
里外有知己大唐國裏無禪師

徑山曇芳和尚像

河漢流天匪舟楫之能濟麟鳳在野豈經羅之可羈
故山林可傲於鐘鼎以道德為之著龜錫彌既同即
圓悟際中興之主佳名適合如南陽稱一國之師大

江以南鍾山之陞涌五天之樓觀陶萬化於鉗鋸功
成不居委之若遺惟茲凌霄之獨步蓋有吾祖之遺
規亦將風動羣公求駿骨於月窟雲屯萬朶期鯤化
於天池也

慈化昱長老像

福德具足法之棟梁願力堅固世之津梁峻機捷出
應變無方如覆水建瓴而下轉九千仞之岨豈造物
欲試其設施成彼百鍊之剛故化煨燼為金碧起萬
間之積廢愈熾而愈昌有陣堂堂有量汪汪卒而遇
之烈日秋霜搆不及處石火電光繪之五采我作贊

語錄

四八

章刻舟求劍匪愚則狂繫爾後人瞻仰勿忘

法寧寺明東巖法師像其徒淨練江求贊

威可以服衆不若退而使人之懷思辯可以折人不
若默而使物之自信食其實者不玩其華圖其遠者
不屑於近所以公雖往徒不足盡其設施行道不足
廣其令聞悟經王一喝猶疾雷破山析法相四門若
餘地游刃至若續天台之墜緒起雲巢之遺構妙斷
無痕潛機獨運我不識公及聞遺訓至今琴川山木
輝潤况有箕裘付克家驂駟墮地看神駿

黃龍靜山和尚像

誠孚于物量充乎器偉哉慧朗克家允矣章濱起廢
靜而常用不謬仰山之同名生死一如已驗緱衣之
再世莫窺其溪寒泉無波或玩其華春岳崇巖條而
白刃無前誰敢三關掉臂希逝龍亡山澤空風雲凜
凜猶生氣

南昌饒益院端山主像

踈髯霜茁槁顏春融臨事能斷破竹莫禦明理而辯
建瓴無窮機用類遠錄公接投子續大陽之派家法
如郁山主得白雲嗣揚岐之宗至於闢境瘠成萬金
產化凡礫為夜摩宮淨行冰雪壽考喬松愧我百城
烟水倦德雲不下妙高峯

語錄

四九

史刊

無錫崇德寺主像

屹若雲凝肅然鳳翥一壑高風五湖襟度雖不出游
而龍象來參不事交接而名公鱉慕辟之寒泉古井
其味愈甘美玉在山光華外著我不識公讚之縑素
花雨何時一笑同側聽辯瀉銀河注

前香嚴長老太虛法弟像

瑚璉雖貴不如荆山之璞為棟為梁不若喬松之卧
壑故仲靈覺範庄徒無萬指千礎而任重致遠猶江
海之與山嶽吾太虛之超軼與二翁而抗衡背觸竹

篋散晴空之白雨金剛寶劍轟輶戶之雷霆方披衣
而得座俄堅卧而掩扃予跂望之衆所待先師門戶
冷如冰要學揚岐九峯老拽耙牽犁過此生

前往撫州永安東麓和尚像

雅度汪汪橫機莫莫中峯正傳韶音九成南州克亥
祥麟一角寵承 綸白光昭故里山川據坐永安幻
出五天樓閣金剛寶劍當面揮知音誰是張天覺目
光如月雪眉深凜凜清風動丘壑

僧吉泰畫其師刺失八像求贊

音通五竺裔出西涼籌室預上師密記苗衣染九重

語錄

五十

史州

天香持呪降魔傳不空之秘密搖鈴入市效普化之
佯狂混融真俗空諸有家世源源法派長

藏山寺福長老像

地湧醴泉不如稻梁之適用天垂慶雲孰若雨露之
濡滋故公之務其本而不求其末究諸實而不玩乎
辭淨土兼脩獨得永明之白金鐸一振重明普化之
機萬象森羅聽彌令千年祖道賴緇維休論幻住亦
皮髓稽首優曇第一枝

臨江靈峰寺通智大師像其孫玄首座求贊

採玉訪荆山求木入鄧林吾宗優曇華粲粲碧雲岑

玉泉派出南泉會百川同歸于海竺土心傳東土鎔
衆器而為一金神劍變化予空望斗牛之氣靈犀出
沒予孰測滄海之深噫吁嘻斯人往矣徒勞我心圓
應室中雪曲音調高誰和沒絃琴至今靈塔清江潯
時聞風雨蛟龍吟

信南海像

嗣佛智

說拍盲禪得無師智解使臨濟白拈慣用南山鯨鼻
只因行脚欠逢人錯會百丈下堂句從茲大庾額頭
掃相喚相牽落魔魅同條生不同條死誰是難兄與
難弟有徒畫像拜吾前宿世冤懃沒回避當如土梟
破鏡之羣樓其窟穴勦其種類三十年後為汝出氣
受業水陸寺重開山和尚像

語錄

五十一

虎齒電眸厖眉槁項東寺風規趙州輩行畚除凡礫
為夜摩之宮坐斷要津於西江之上至若家法不墜
有白雲受業於茶陵佛堂放光與古靈同師乎百丈
我贊我頌舌結詞喪天外望神光虛空同壽量子孫
襍還多龍象

天池孤山和尚像其徒茂侍者請贊

全德者不借重於有位傳道者不求合於當時昔有
人焉風穴楊岐克荷臨濟之宗如九鼎之懸一絲偉

哉山翁配古不慙真圓應之的嗣作後學之司南一
坐天池四十載二三四七非同叅天鐙萬點來深夜
謾許文殊共對談

慈化愈長老繪師像請贊

心法之妙言不能宣大用現前心無所傳所以永嘉
到曹溪趙州見南泉機籟自應神光渾圓如水流地
如日行天放出南山鰲鼻乾坤失色驚起東海鯉魚
風雨八埏宗門愧承之獨駕百漏舩皮穿并骨露鼻
孔穴半邊藍江念疇昔共聽蓮峯嶺何當攄宿憤毒
手負老拳寫寄丹青相似否宜春臺上月娟娟

語錄

五十二

寶山趣長老請贊

百丈一喝聾三日臨濟六十蒿枝拂我無一法示來
叅慚媿有口如木揆佛手驢腳不須呈日面月面是
何物無端持向寶山堂風雷撼動蒼龍窟

清泉海長老請贊

金襴傳外倒却刹竿祖翁活計戶破家殘正法眼藏
瞎驢邊滅一印印定肅體元斑提趙州七斤衫投襟
肘見拈洞山三頓棒齒齒齟齬穿如今不付南泉去漲
起西江十八灘

鼻長老請贊

百丈鉤舌一轉語德山不會末後句流傳後代轉請
訛火裏要我無影樹潦倒龍河無本可據帶雪烏雞
重遭指注未付長寧但與麼去西河師子自起羣天
岸麒麟看獨步

番禺月長老請贊

字不識禪不參一味鹵莽指北成南不會末後句錯
認前三三竊比石門老何以繼雲菴高風難想像憂
患却同諳粉繪徒描邈相看轉不堪結茅期歲晚黃
葉滿千巖

南禪裕長老請贊

語錄

五十三

藁林三種住持說法供衆修造住山三十餘年檢點
件件不到讀書不能輔教參禪不能傳道只會怒罵
揮喝一味倔强性躁興化趁出克賓馬師踏倒水潦
非假惡辣鉗錘曷稱吾家種草要教此話大行未付
南禪長老

資聖良長老請贊

褊急似暴坦率似傲所至遭譏謗與俗寡交好隨緣
止官寺虛寵慚錫彌不會臨濟禪只胡揮亂掃花擘
玄要句意俱不到照用不能久主賓互顛倒資聖
相從玄關許深造有个末後句終不向渠道滅却

正法眼方始稱跨竈

語錄

五十四

